

SCRIPTA

Numéro Scripta : 1716

Auteur(s) : Béatrix, veuve de Robert Billehent [particulier]

Bénéficiaire(s) : Beaumont-le-Roger, Sainte-Trinité, dépendance Le Bec (prieuré)

Genre d'acte : charte

Authenticité : non suspect

Datation : 1263, février

Action juridique : confirmation

Langue du texte : latin

Analyse

Béatrix, veuve de Robert Billehent, confirme l'acte 1715 et renonce à tous ses droits sur une terre autrefois donnée par son mari.

Tableau de la tradition

Éditions principales

a. Deville Étienne, *Cartulaire de l'église de la Sainte-Trinité de Beaumont-le-Roger*, Paris, Champion, 1912, n° LIX, p. 52-53.

Texte établi d'après a

Noverint universi presentes et futuri, quod ego Beatricia, relicta Roberti Billehent, confirmavi et confirmo venditionem illius terre quam fecerat dictus Robertus, quondam maritus meus dum viveret, priori et conventui Sancte Trinitatis de Bellomonte Rogeri, assensu et voluntate mea spontanea, sita inter terram quam habebat et habuit Reginaldus, dictus Anglicus, ratione Basilie, uxoris sue, et terram que pertinet ad dotem Hylarie, quondam uxoris heremite Fabri, et remisi et remitto, quitavi et quito dictis priori et conventui universum et totum jus quod poteram seu possem reclamare vel habere in dicta terra ratione maritaggi mei impediti, seu quacumque alia ratione tam in foro ecclesiastico quam civili, volens et concedens, quod dicti prior et conventus possideant et habeant dictam terram jure hereditario, bene, pacifice et quiete tanquam suam propriam, absque aliqua de cetero reclamacione mei, vel heredum meorum, vel alicujus cunque nomine meo, salvo jure domini capitalis, et inde possint penitus facere et voluntatem. Et quia dictam venditionem, vivente marito meo, juraveram, tactis sacrosanctis, me imperpetuum fideliter observaturam, ego dicta Beatricia denus habens pre oculis, ne dicti prior et conventus exinde possint de cetero molestari, ad majorem confirmationem hujus rei et remissionis et quitationis mee predictae, in viduitate mea presens scriptum sigilli mei munimine roboravi. Actum anno Domini M° CC° sexagesimo secundo, mense Februario. Testibus : Clemente, tunc temporis priore dicti loci ; Eligio Duraderio ; Willelmo de Hans, monachis dicti loci ; Ricardo, presbitero Sancti Leonardi, et Johanne, presbitero de Sancta Margareta ; Rogero Gambart, et Guillelmo, dicto Moignet ; Nicholao et Rogero, carpentariis ; Henrico Cheval, et Tyerrico Postel, et pluribus aliis.